



UNIVERSITÄTS-
BIBLIOTHEK
PADERBORN

Institutiones Canonicæ

Schnorrenberg, Anno

Coloniae, 1740

§. 2. De Judicio Ecclesiastico.

[urn:nbn:de:hbz:466:1-62040](#)

§. Secundus.

D E

Judicio Ecclesiastico.

Judicium Ecclesiasticum ; quod coram Judice Ecclesiastico fit , est vel ratione personæ , vel rei , aut causæ , de qua discepatur .

Quæres primò . Quando ratione personæ judicium est ecclesiasticum ?

R. Clericus nonnisi coram Judice ecclesiastico , Episcopo scilicet , qui totius Dioecesis ordinarius Judex est , conveniri potest . can. si quis . 45. can. si Clericus . 46. caus. II. q. 1. & refertur in cap. si quis . 4. de foro competenti . unusquisque enim coram suo Judice convenientius est , ex regula generali , ut actor forum rei sequatur . cap. cum sit . 8. de foro compet. Ideo si quis Clericus vel Laicus adversus Clericum negotiorum habeat , priùs proprium Clerici Episcopum , qui est Judex ordinarius suæ Dioecesis Clericorum , cap. 1. de officio Ordinarii . cap. cum Episcopus . 7. eod. in 6. adire debet , ut aut ipse cognoscat , aut certè ab eo Judices delegati deputentur , vel consilio ejusdem apud alium vel alios , quos utraque pars voluerit , judicium obtineant . cit. cap. 1. de officio Ordin. can. pervenit . 39. caus. II. q. 1. Et hoc generale est , sive causa personalis , sive realis , sive criminalis , sive sit in postitorio , sive in petitorio judicio , non obstante qualibet consuetudine ,

cap. Clerici . 8. de judic. junct. gloss. vel etiam Episcopi consensu ; cùm Laicus nec ex delegatione , vel consensu Episcopi Clericum judicare possit . cap. significati . 18. de foro competenti .

Quæres secundò . Quam pœnam Laicus Clericum judicando incurrit ?

R. Quia talis Judex sic sese intromittendo in personam Ecclesiasticam injuriam Ecclesiæ irrogat , cap. Ecclesia de constitut. Ideo tamdiu per excommunicationem separatus ab Ecclesia declaratur , quoisque reatum suum cognoscat , & emendet . cap. nullus . 2. de foro competenti . Quamvis coram tali Judice propriæ Clerici literæ , in quibus suo chyrographo vel sigillo authenticō munitis debita confiteretur , vel aliæ probationes producerentur . cap. sculculares . de foro compet. in 6.

Quæres tertio . Qui casus speciales , in quibus Clericus coram Judice lœculari conveniri potest ?

R. Sequentes : Primus in causis feudalibus , in quibus Dominus feudi jurisdictionem ordinariam quoad alios Judices privativè habet . cap. ex transmissa . 6. cap. verum . 7. de foro competenti . cap. ceterum . 5. de judicis . 2dus . Si bona immobilia à principio Clericis vel Ecclesiæ cā conditione data sunt ; sic

Kkk 3 Præ-



Prælati in Germania, qui Principes Imperii, ratione Regalium, privilegiorum, bonorum feudalium, quæ ab Imperio habent, subduntur Cameræ Imperiali. *Terius.* Si agatur contra Laium ad evincendam rem, quam à Clerico emit, tunc Clericus venditor ad defendendum empotem coram Judice laico assistere debet. *L. Venditor. ff. de judic.* *Quartus.* Si Clericus ratione officii alieno nomine tanquam tutor, Cura-
tor, vel Procurator laici convenitur; tunc enim non Clerici, sed ejus, cu-
jus nomine convenitur, persona at-
tenditur.

Quæres quartò. Quæ personæ velut ecclesiasticae privilegio fori gaudent?

¶. primò. Nullus primâ tonsurâ initiatus, aut etiam in minoribus Ordinibus constitutus fori privilegio gau-
det, nisi beneficium ecclesiasticum ha-
beat, aut clericalem habitum & tonsuram deferens, alicui Ecclesiæ ex man-
dato Episcopi deserviat, vel in Semi-
nario Clericorum, aut in aliqua Schola
vel Universitate de licentia Episcopi
quasi in via ad majores Ordines susci-
piendos versetur. *Trident. sess. 23, de re-
form. cap. 6.*

Secundò. Clerici conjugati non bi-
gami alicujus Ecclesiæ servitio seu mi-
nisterio ab Episcopo deputati, si ha-
bitum & tonsuram deferant, super cri-
minibus nec criminaliter nec civiliter
coram Judice laico conveniri possunt.
cap. unic. de Cleric conjug. in 6.

Tertiò. Regulares omnes utriusque
sexus, etiam laici, seu conversi, & No-
vitiij privilegio fori ecclesiastici gaudent.

*can. de persona. 38. caus. 11 q. 1. cap. Cle-
ricis. 3. de immunit. Eccles. in 6.*

*Quæres quintò. In quibus casibus pri-
vilegium fori Clericus amittit?*

¶. In sequentibus primò. Si Cle-
ricus beneficiatus habitum & tonsuram
nunquam deferat, & ab Episcopo ter-
monitus incorrigibilem se ostendat, pri-
vilegium fori amittit. *cap. in audiencia.*
25. cap. contingit. 45. de sentent. excomm.

Secundò. Clericus in Sacris constitu-
tus postquam propter delictum depo-
positus est, & propter incorrigibilita-
tem postmodum excommunicatus, pri-
vilegium fori amittit. *cap. cum non à
homine. 10. de judicis.*

Tertiò. Si Clericus dimislo habitu
clericali enormitatibus se immisceat,
hoc est: plura enormia delicta com-
mittat, privilegio fori privatur, ut
etiam in aliis casibus, de quibus in *cap.*
unic. de vita & honest. Clericor. in 6. Cle-
ment. 1. eod. cap. 1. de homicid. in 6. cap.
2. de pénit. in 6. cap. fin. de vita & honest.
Clericor.

Quartò. Non obstante privilegio fori
Clericus à potestate laica capi potest,
imprimis si Clericus in delicto com-
prehensus sit de fuga suspectus, à Ju-
dice sacerdoti capitul, Judici ecclesiasti-
co remittendus. *2dò.* Quando deli-
ctum timetur committendum. Ita Cle-
ricus de homicidio committendo suspe-
ctus, per Judicem laicum detineri po-
test, ut delictum impediatur, & Judici
ecclesiastico puniendus extradatur. De-
mum quando Clericus per Judicem sacer-
dotalem ex mandato Judicis ecclesiastici
capitur. *cap. ui fama. 35. de sentent. excom.*

Quod



Quod si reus captus à Judice sacerdotali se Clericum esse excipiat, judicare, an sit Clericus, ad Judicem Ecclesiasticum pertinet, juxta modum præscriptum in cap. si Judex. 12. de sentent. excom. in 6.

Quæres sexto. An Clericus privilegio fori renuntiare possit?

R. Clerici nec inviti, seu coacti, nec volentes privilegio fori renuntiare possunt; cum non sit beneficium hoc personale, cui renuntiare valeat, sed potius toti Collegio ecclesiastico sit publicè indultum, cui privatorum pacto derogari non potest: nec juramentum, quo se coram Judice laico responsuros obstrinxerunt, servari potest; et quod contra canonica Statuta illicitis pactiobus informetur. cap. si diligenti. 12. de foro compete. Actor trahens Clericum ad Judicem sacerdotalem & causam, si illa est civilis perdit, & à communione efficitur extraneus. can. inolita. 42. can. placuit. 43. caus. 11. q. 1. Clericus coram Judice laico conventus si respondeat, perdit, quod evicit, vel obtinuit, si causa civilis sit, si causa criminalis est, locum suum amittit, seu ab officio & beneficio deponitur. cfr. can. placuit.

Quæres septimo. Quæ causæ ad Judicium pertinent ecclesiasticum?

R. Judex laicus causam merè spiritualem nec propriâ authoritate, nec ex commissione seu delegatione cognoscere potest, nisi sit commissio à Papa. cap. decernimus. 2. de re iudic. sed causæ spirituales ad solum Judicem ecclesiasticum pertinent. Idem est de illis, quæ rei spirituali annexæ sunt, quale est jus patronatus. cap. quaniò. 3. de re iudic.

jus sepulturæ, jus decimatum &c. Quod verum est, quamvis Judex ecclesiasticus in administranda justitia in his causis negligens foret. cap. qualiter. 17. de iudic. Ac ita notanda est disparitas inter Judicem ecclesiasticum & laicum: Judex ecclesiasticus negligentiam Judicis laici in administranda justitia in causis temporalibus supplere: cap. ex transmissa. 6. cap. licet. 10. de foro competenti. Judex tamen sacerdotalis defectum ecclesiastici supplere nequit: Judex enim minor defectum Judicis majoris supplere non debet: ratione autem finis, cui iurisdictio sacerdotalis est subordinata, Judex sacerdotalis Judice ecclesiastico minor esse dignoscitur. cap. sollicito. 6. de majorit. & obedient. Extrav. 1. eod. tit. inter comm. Contratii Canonices, can. si quis. 45. caus. 11. q. 1. can. Principes. 20. caus. 23. q. 5. can. filii. 31. caus. 16. q. 7. vel explicantur, quod in casu denegatae vel neglectæ justitiae à Judice ecclesiastico ad Judicem laicum per modum simplicis querelæ recursus haberi possit, ut ille ecclesiasticum moneat: vel per cit. cap. qualiter. abrogati sunt.

Quæres octavo. In quibus causis Judex Ecclesiasticus de re merè civili & temporali inter laicos controversâ iudicare potest?

R. Quamvis Judex Ecclesiasticus in causa merè temporali inter laicos sese absque injustitia intromittere non possit, cap. novit. 13. de iudic. ideoque rescriptum à Papa impetratum in causa temporali inter laicos nullum est, cap. licet. 10. cap. ex tenore. 11. de foro competenti.

petenti. attamen ad Judicem ecclesiasticum pertinet per viam evangelicæ denuntiationis de quovis peccato mortali etiam laici sibi in spiritualibus subdit, ac maximè de perjurio ac fractâ pace cognoscere, reum corriger, ac per censuras ecclesiasticas ad emendationem astringere. Notabile exemplum est in *cit. cap. novit. 13. de jndic.* ubi Innocent. II, ostendit, qualiter in causa feudi controversa inter Regem Philipum Augustum Galliæ, & Regem Angliæ Joannem competens Judex: ubi notanda hæc verba: *Nullus, qui sit sana mentis, ignorat, quin ad officium nostrum spectet de quocunque mortali peccato corripere quemlibet Christianum: & si correctionem contempserit, per distinctionem ecclesiasticam coercere.*

Quæres nond. In quibus casibus Clericus laicum coram Judice ecclesiastico convenire potest?

R. primò. Si Clericus contra laicum agit, & petit rem, quam laicus possidet: & tunc vel laicus rem Ecclesiæ esse non negat, aut rem Ecclesiæ esse constat; & conveniri potest coram Judice ecclesiastico: aut Ecclesiæ esse non constat, vel Ecclesiæ esse reus negat? & tunc laicus coram Judice laico convenitur. Est notabilis textus in *cap. si Clericus. 5. de foro compet.*

2dò. Laicus coram Judice ecclesiastico conveniri potest, si qualitas jurisdictionem fori ecclesiastici fundans causæ principali insit, vel adhæreat, ut si Clericus laicum convenit, quod rem Ecclesiæ furatus sit, quamvis id reus neget, qualitas sacrilegii facit

rem mixti fori controversam. *cap. cum sit. 8. de foro compet.*

3rdò. Viduæ, pupilli, orphani, aliquæque miserabiles personæ vi oppressæ vel possessione tuâ spoliatae ad possessionem recuperandam coram Judice ecclesiastico agere, & laicum convenire possunt. *cap. ex parte 15. de foro compet.*

4thò. Quando juramentum contrarium adjectum, laicus coram Judice ecclesiastico ratione juramenti conveniri potest, ut juramentum servet. *cap. fin. de foro compet. in 6.*

5thò. Qui Ecclesiæ bonis & iuribus spoliant, aut in earum possessionibus turbant, tanquam sacrilegi à Rectoribus Ecclesiæ coram Judice ecclesiastico conveniri possunt. *cit. cap. cum sit. 8. cap. conquestus. 16. de foro competent.*

Quæres decimò. Que crimina adjudicent ecclesiasticum pertinent?

R. Crimina alia sunt metè ecclesiastica, quæ circa materiam propriè spiritualem versantur: & horum cognitionem ad judicem ecclesiasticum pertinere de se patet, aut sunt fori ecclesiastici privativè, ut crimen heres, simonia: alia metè civilia, quæ circa materiam civilem seu politicam versantur: horum cognitione inter laicos ad judicem laicum privativè pertinet, ut furtum rei profanæ: demum alia sunt crimina mixta, quæ utroque jure positivo tam civili quam canonico prohibita, quia non solum regimini politico, sed etiam supernaturali fini, Reipubl. Christianæ, Fidei vel Religioni

gioni adversantur, de quibus uterque Judex, & laicus & ecclesiasticus cognoscere potest; ideoque præventioni locus datur, & ad forum ecclesiasticum cumulativè pertinent. Talia sunt adulteria, usura, blasphemia, perjurium, sortilegium, divinatio seu magia, sodomia &c.

Quæres undecim. Si Clericus laicum coram Judice laico conveniat, secundum quas leges lis est dirimenda?

R. Secundum Leges civiles; quia in quolibet foro secundum Leges & consuetudinem illius fori causa discutienda & terminanda est. Obstat videtur textus in cap. *quod Clerici, 9. de foro competenti.* Verum ille explicandus, quod loquatur in casu, quo inter duos Clericos coram Judice ecclesiastico lis est de re temporali.

Quæres duodecim. An possessorium rei spiritualis coram Judice laico discuti possit?

R. Id videtur colligi ex cap. *fin. de*

judic. quamvis textus ille explicari possit, quod lis agitata fuerit super jure eligendi Rectorem politicum in aliquo castro inter Monasterium quoddam Actorem ex una parte, & communem reum conventum ex altera parte coram potestate laica, quod jus eligendi cum in possessorio contra communem laicam per sententiam potestatis laicæ Monasterium evicisset, & communitas contra Monasterium petitorum incipere vellet, illud non fuit discutiendum coram potestate seculari Judice possessorii, ex regula generali, quod qui cognoscit de possessione, etiam de proprietate cognoscere debeat; sed, ut deciditur in cit. cap. *fin.* petitorum coram Judice ecclesiastico incipendum fuit, eò quod Actor forum rei sequi debeat: Monasterium autem, quod in possessorio fuit Actor, evicto possessorio reus est in petitorio.

* *

